



Informacion general Aruba Doet

Aruba Doet 2024

Ariba diabierna 15 y diasabra 16 di maart 2024 CEDE Aruba, den cooperacion cu Oranje Fonds, ta organisando e di **12 aña** consecutivo di Aruba Doet!

Esaki ta un oportunidad pa organisacionnan social organisa actividadnan social pa nan grupo di interes cu ayudo di boluntarionan. Proyectonan ta encera, verf un muraya, duna un luga di recreacion pa mucha un face lift, organisa un actividad pa hende grandi of traha un heki nobo na un animal shelter.

Lo bo kier ofrece un man pa un paar di ora na un fundacion, scol, club deportivo, club di padvindes, cas di hende grandi of un organizacion social? Wel, join Aruba Doet y bira parti di un di e iniciativanan boluntario mas grandi di Aruba.

Registra riba nos website www.arubadoet.com y participa den proyectonan divertido

Alma y Curason

Boluntarionan ta e alma y curason di organisacionnan comunitario. Via Aruba Doet, CEDE Aruba y Oranje Fonds nos lo kier pone enfasis ariba e importancia cu un ciudadano involucra tin pa e comunidad den su totalidad. Aruba Doet ta yuda mehora e imagen di trabounan boluntario y ta muestra con leuk esaki por ta.

Kico abo como voluntario ta haya a cambio di bo participacion den Aruba Doet?

Ta parti di Aruba Doet lo duna e isla un impulso positivo. E organisacionan cu ta participa lo por logra metanan cu sin bo ayudo porta nan no lo logra. Adicional esaki lo bira sigur un dia hopi gezellig y cu yen di inspiracion!

Con bo por participa?

Entrante december 2023 lo por mira diferente proyectonan interesante ariba e website di www.arubadoet.com. Por inscribi como voluntario sea como persona particular of como grupo directamente via e website tambe lo por tuma contacto cu e organizacion cu bo a selecta pa haya mas detaye y pa intercambia informacion. Busca un proyecto leuk y inscribi!

Kico ta NL DOET, ARUBA DOET, BON DOET, CURA DOET, SXM DOET, STATIA DOET y SABA DOET?

Oranje Fonds ta organisa den cooperacion cu miles di organisacionnan comunitario, e iniciativa boluntario di mas grandi di e Reino Hulandes: Hulanda, Aruba, Boneiro, Curaçao, Sint-Maarten, Sint-Eustatius y Saba. E shete iniciativanan aki ta pone e trabou boluntario den un luz positivo y ta stimula tur hende pa saca un man pa (un parti di) un dia.

Aruba Doet den cifra

Na 2023 mas cu 4.000 persona a participa na 194 proyectonan na Aruba.

Oranje Fonds

Rey Willem-Alexander en Reina Maxima ta e patronanan protector oficial di Oranje Fonds, Oranje Fonds ta e fondo nacional di mas grandi riba tereno comunitario y ta ilustra e miho cu Reino Hulandes tin di ofrece. Anualmente, mas o menos 30 miyon Euro ta wordo duna como sosten na organisacionnan y iniciativanan cu ta reforsa e union social na Hulanda como tambe den e Caribe Hulandes.

CEDE Aruba – organisador di Aruba Doet

CEDE Aruba ta un fondo autonomo Arubano cu ta dirigi su mes riba reforsa e comunidad civil den un sociedad balansa. E ta fungi como un brug duradero entre, un banda iniciativanan particular, NGO nan cu ta fuerte proactivo y cu bn coordinacion y di otro banda, e suminstradornan di recursonan local y internacional. E ta e fondo Arubano di mas grandi y importante, cu di un manera profesional ta reconoce e necesidadnan comunitario y cu riba un manera creativo ta bin cu solucionnan. CEDE Aruba ta reconoci como un organizacion confiabel, caminda tur hende por yega pa conseho y ayudo riba tereno di progreso sostenibel social y educativo.

Contact

Aruba Doet ta un campaña conhuntamente di CEDE Aruba y di Oranje Fonds. Lo bo kier sa mas di Aruba Doet?

Tuma contacto cu:

CEDE Aruba

Beatrixstraat 8

Celular # +297-561 1644

Oficina # +297-582 7666

Email: arubadoet@cedearuba.org

Facebook: www.facebook.com/ARUBADOET